

# KITSISO YA BOTLHOKWA – TSHEKO YA GO KOPA PHIMOLAKELEDI KA NTLHA YA BOLWETSE JWA SILICOSIS LE THIIBII

Tumalano e e fitlheletsweng ya go Ntshiwa ga Phimolakeledi mo tshekong ya go kopa phimolakeledi ka ntlha ya bolwetse jwa Silicosis le Thiibii mo gare ga ditlamo di le thataro tsa meepo - African Rainbow Minerals, Anglo American SA, AngloGold Ashanti, Gold Fields, Harmony le Sibanye-Stillwater – le baemedi ba bangongoregi, e ne ya dumelelwa ke Kgotlatshekelo Kgolo e e kwa Johannesburg ka 26 Phukwi 2019 mme ya simolola go tsena mo tirisong ka 10 Sedimonthole 2019 fa go se na go fitlhelelwa maemo otlhe a a batlegang.

Dikopo tsothe tse di dirilweng kgatthanong le ditlamo tsa meepo tse di amegang mo tumalanong eno le bomphato ba tsone tse di bakilweng ke kgotsa tse di amanang le bolwetse jwa Silicosis le Thiibii, go akaretsa le kgetsi ya tsheko ya go kopa phimolakeledi e e neng ya bulwa mo pele ga Kgotlatshekelo Kgolo, di berekwa tumalanong le melao ya Tumalano ya go Ntshiwa ga Phimolakeledi.

O tshwanelega go kopa phimolakeledi fa e le gore:

- o kile wa bo o dira kwa meepong ya gauta magareng ga 12 Mopitlwe 1965 le 10 Sedimonthole 2019;
- o kile wa dira mo go o le mongwe kgotsa go feta wa Meepo E e Mo Tumalanong eno (bona lenaane le le fa tlase) ka dinako tsa fa meepo eno e ne e le ya ditlamo tsa meepo tse di ntshang madi ano a phimolakeledi kgotsa e laolwa ke tsone;
- o ne o dira tiro e e neng e dira gore o tsenwe ke lerole la silica; e bile
- o tsenwe ke bolwetse jwa Silicosis kgotsa Thiibii KGOTSA o tlhokomelwa (ka sekai, o mosadi, ngwana kgotsa o molekane) ke modiri yono wa kwa meepong yo o tlhokafetseng.

**TSWEETSWEE BALA KITSISO ENO KA KELOTLHOKO GONNE E KA TSWA E AMA DITSHWANELO TSA GAGO.**

**KE BOMANG BA BA AMEGANG MO KGETSENG ENO YA GO NTSHIWA GA PHIMOLAKELEDI?**

Kgetsi eno e ama maloko otlhe a a dirileng Kopo ya go newa Phimolakeledi. O Leloko fa o fitlhelela dithokego tsothe tsa nngwe ya dithoppha tse di latelang tse nne:

<b>Sethopha sa 1:</b>
Batho botlhe:
<ol style="list-style-type: none"><li>ba go simolola ka 10 Sedimonthole 2019 ba neng ba dira, kgotsa ba pele ga di 10 Sedimonthole 2019 ba neng ba dira Tiro e e Kotsi. Tiro e e kotsi e tlhalosiwa mo Molaong o o Buang ka Malwetse a a Bakwang ke Tiro e Motho a e Dirang kwa Meepong le kwa Tirong wa 1973 e le tiro e e dirwang ke motho e e dirang gore a tsenwe ke lerole, mme lerole leo fa go ka direga gore le go tsene ka bontsi le leng kotsi kgotsa le ka nnang kotsi go akaretsa le go dira kafa tlase ga lefatshe mo moepong wa gauta;</li> <li>yo ka di 10 Sedimonthole 2019 kgotsa pele ga moo a neng a na le bolwetse jwa Silicosis kgotsa a neng a tlile go tshwarwa ke jone kgotsa a neng a tla bo a tsenwe ke lerole la silica;</li> <li>yo o dirang kgotsa a ileng a dira Tiro e e Kotsi mo go o le mongwe kgotsa go feta wa Meepo e e mo Thulaganyong eno (bona lenaane le le fa tlase) morago ga 12 Mopitlwe 1965; le</li> <li>ba ba sa kgonang go bona madi a bone a phimolakeledi fa go ne go ntshiwa madi a phimolakeledi mo nakong e e fetileng ke ba Anglo American South Africa Limited le AngloGold Ashanti Limited ka 14 Mopitlwe 2016 le Anglo American South Africa Limited ka 19 Lwetse 2013.</li></ol>
<b>Sethopha sa 2:</b>
Batho ba ba neng ba tlamelwa ke bape ba batho ba ba neng ba amega mo Sethopha 1 mo godimo ba ba neng ba tlhokafetse ka 10 Sedimonthole 2019.

<b>Sethopha sa 3:</b>
Batho botlhe:
<ol style="list-style-type: none"><li>ba go simolola ka 10 Sedimonthole 2019 ba neng ba dira, kgotsa ba pele ga di 10 Sedimonthole 2019 ba neng ba dira Tiro e e Kotsi;</li> <li>ba ka 10 Sedimonthole 2019, pele ga moo kgotsa morago ga moo ba neng ba tshwarwa ke Thiibii kgotsa ba tlileng go tshwarwa ke Thiibii; le</li> <li>ba ba dirang kgotsa ba ileng ba dira Tiro e e Kotsi mo go o le mongwe kgotsa go feta wa Meepo e e mo Thulaganyong eno (bona lenaane le le fa tlase) morago ga 12 Mopitlwe 1965</li></ol>
<b>Sethopha sa 4:</b>
Batho ba ba neng ba tlamelwa ke bape ba batho ba ba neng ba amega mo Sethopha 3 mo godimo ba ba neng ba tlhokafetse ka 10 Sedimonthole 2019.

**KGETSE ENO YA GO KOPA PHIMOLAKELEDI E NA LE DIPHELELO DIFE?**

Tshiamiso Trust e tlhomilwe gore e diragatse ditshwetso tsa kgetsi eno le go duela madi a phimolakeledi mo bakoping ba ba tshwanelegang go amogela madi ao. Modirakopo yo o tshwanelegang o tla amogela madi a a kana ka magareng ga R10 000 le R250 000, go ya ka gore bolwetse jwa gagwe e ne e le jwa mofuta mang le gore bo ne bo le maswe go le kana kang le gore modirakopo o gobetse go le kana kang. Mo maemong a a maswe le go feta, modirakopo yo o tshwanelegang a ka nna a ba a kgona go bona madi a a kwa godimo thata ga ao, go fitlha go R500 000.

- Modirakopo yo o tshwanelegang ke motho yo e leng leloko la sepe sa dithoppha tse go buiwang ka tsone fa godimo e bile a fithelela dilo tse di tlhokwang ke Tshiamiso Trust gore a ka kgona go bona madi a phimolakeledi.

- Maloko otlhe a sethopha seno a ka kgona go romela dikopo tsa bone e bile ba lalediwa go di romela go Tshiamiso Trust gore ba kgone go bona madi a phimolakeledi, kwa ntle ga maloko a sethopha a a tlhophileng go tswa mo thulaganyong eno.

- Dintlha tsa gore go ka dirwa jang kopo di tlhalosiwa fa tlase fano, le mo webosaeteng ya www.tshiamisotrust.com.

Dintlha tsothe tsa Tumalano eno ya go Ntshiwa ga Phimolakeledi, mmogo le tshwetso ya Kgotlatshekelo ya go ntsha tumelelo ya Tumalano ya go Ntshiwa ga Phimolakeledi di teng mo webosaeteng ya www.tshiamisotrust.com kgotsa di ka bonwa go tswa go Tshiamiso Trust (dintlha tsa go ikgolaganya le bone di fa tlase fano).

**GA O TLHOKE GO DUELA OPE, E BILE GA WA TSHWANELA GO DUELA OPE GORE A GO THUSE GO DIRA KOPO!**

**TSELA YA GO ROMELA KOPO KO TSHIAMISO TRUST:**

**THULAGANYO YA GO ROMELA DIKOPO:**

Tsweetswee latela dikgato tseno:

- O ka tlhola gore a tshedimotsetso ya gago e teng mo databeiseng ya Tshiamiso Trust le gore a o ka tshwanelega go dira kopo ka go ya kwa tsebeng eno mo webosaeteng ya Tshiamiso Trust https://www.tshiamisotrust.com/status-check/. Gape o ka leletsa lephata le le tlamelang ka thuso la Trust eno go tlhola gore a tshedimotsetso kaga gago e teng le gore a o ka tshwanelega go dira kopo.

- Webosaete e e fa godimo le ofisi ya lephata le le tlamelang ka thuso gape di tla go bolelela gore ke Ditokumente dife tsa go dira Kopo tse o tshwanetseng go di romela fa o dira kopo. Ditokumente tseno di ka akaretsa tse di latelang:

- khopi ya tokumente ya gago ya boitshupo, phasepoto kgotsa bosupi jwa nomoro ya gago ya go nna mothapiwa mo setlamong;
- fa o le motho yo o neng a tlhokomelwa ke modiri wa mo meepong ya gauta mme a tlhokafetse (ka sekai, o le mosadi, ngwana kgotsa molekane wa gagwe), khopi ya tokumente ya gago ya boitshupo, phasepoto kgotsa bosupi jwa nomoro ya motho yono yo o tlhokafetseng e e bontshang gore e ne e le mothapiwa mo setlamong;
- irekoto tsa gago tsa go bontsha gore o ne o bereka mo go ope wa Meepo E e Mo Thulaganyong eno (bona lenaane le le fa tlase).

- Motho mongwe le mongwe yo go ka diregang gore a bo a tshwanelega go dira kopo o tla tlhoka go rulaganya nako e a tla tlang ka yone go tla go dira kopo ka go leletsa lephata la Trust le le tlamelang ka thuso. Go na le diofisi di le 50 tsa go dira kopo mo Aforika Borwa le kgaolo ya SADC. Lephata le le tlamelang ka thuso le tla go rulaganyetsa nako ya go tla kwa ofising e e gaufi thata le mo o nnang gone. Mongwe le mongwe yo o dirang kopo o tshwanetse go dira jalo ka boene.

- Badiradikopo ba ba nnang mo Aforika Borwa ba ka leletsa nomoro ya mahala ya Trust ya ofisi e e tlamelang ka thuso ya **080 1000 240** go dira thulaganyo ya gore ba tle ofising e e gaufi le bone ya go dira kopo e e mo Aforika Borwa.

- Badiradikopo ba ba nnang ka kwa ntle ga Aforika Borwa ba ka leletsa nomoro ya Trust ya **00 27 10 500 6186** mme ofisi eno e tla ba founela gape go dira thulaganyo ya gore ba tle ofising e e mo nageng ya bone ya go dira kopo. Tsweetswee ela tlhoko gore fa o founela nomoro eno, e tla utlwala e kete ga e kgone go amogela mogala wa gago. Mme mogala wa gago o tla kgaoga mme mongwe yo o kwa ofising e e tlamelang ka thuso o tla go founela gape. Go ikaegile ka gore o dirisa neteweke efe ya founo ya mobaele kgotsa ya mo ntlong, o ka nna wa tshwanelwa ke gore o nne le madinyana a go founa lekgetlho la ntlha gore o founelwe morago ga moo.

Tsweetswee ela tlhoko gore diofisi tsa lephata le le tlamelang ka thuso di dira go tloga ka 8am go ya go 5pm Mosupologo go ya go Labotlhano fela. Letsa ka dinako tseno fela.

- Ka letsatsi le o tlang ka lone diofising, tsweetswee tla le Ditokumente tsothe Tsa go Dira Kopo tse o nang le tsone kwa ofising ya go dira dikopo. Motlhankedi wa go Dira Dikopo o tla go bolelela gore o direng fa go na le Ditokumente dingwe tsa go Dira Kopo tse o se nang tsothe.

- Batho botlhe ba ba dirang dikopo ba tlile go tlhatlhobiwa go dirisiwa dilo dingwe tse di mo mmeleng (kgatisomenwana, jalo le jalo) go tlhomamisa gore a ruriruri ke bone.

- Fa go tlhokega, go tla rulagannwa le gore o dirwe tlhatlho bo ya kalafi go bona gore a o tshwanelegela go bona tuelo eno. Seno le sone go tla rulagannwa nako go sa le gale gore se dirwe.

- Morago ga moo kopo ya gago e tla sekasekwa ke Phanele ya Tlhomamiso ya Dilo Tsa Bongaka le Komiti ya Tlhomamiso ya Trust go ya ka dithulaganyo tsa Trust.

- Fa kopo e dumeletswe, madi a phimolakeledi a modirakopo a tshwanetseng go a newa a tla duelwa mo akhaontong e e tlhomamisitsweng ya gagwe ya banka go ya ka dithulaganyo tsa Trust.

**GO BONA TSHEDIMOSETSO E E OKETSEGILENG:**

Etela www.tshiamisotrust.com

<p><b>DINTLHA TSA GO IKGOLAGANYA LE TSHIAMISO TRUST KE TSENO:</b></p> <p><b>Mog:</b> Fa o le mo Aforika Borwa 080 1000 240</p> <p>If you live outside South Africa 00 27 10 500 6186</p> <p><b>Imeile:</b> info@tshiamisotrust.com</p> <p><b>Whatsapp:</b> (+27) 87 250 0066</p> <p><b>Webosaete:</b> www.tshiamisotrust.com</p>	
--	---

<b>Meepo E e Mo Thulaganyong eno</b>	FreeGold 2 le 4	Vaal Reefs 9 (Kopanang)	Merriespruit
SA Land	Freddies 7 le 9 (go ya go moepo wa Kades Barnea cc, Pamodzi, Target)	Vaal Reefs 10 (Tau Lekoa)	Hartebeesfontein
Daggafontein	Freegold 2, 4 (Tshepong, Phakisa)	Vaal Reefs 11 (Moab Khotsong)	Loraine (di-Shaft 1,2 le 3)
East Daggafontein	President Brand	Western Deep Levels	Zandpan
Elandsrand	President Steyn	Mponeng (South Mine WDL 1)	Moepo wa Virginia
Deelkraal (e gape e bidiwang Elandskraal)	Steyn 1,2 (go ya go Kades Barnea, Pamodzi, Bambanani)	Tau Tona (East Mine WDL 3)	Village Main Reef
Kusasaletlu	Steyn 3,4 (FreeGold 1, e ka nako eo e neng e bidiwa Bambanani)	Savuka (West Mine WDL 2)	Western Areas (go ya go South Deep)
Western Holdings (1,2,3,4,6,7) (ARMGold)	Brand 1, 2, 3, 5 (Steyn 5 go ya go 8)	St Helena	South Deep
Matjhabeng (Western Holdings di-shaft tse dingwe tse 4	HJ Joel / Joel	Evander (go akaretsa le meepo ya Kinross, Leslie, Bracken le Winkelhaak)	Beatrix (go akaretsa le Oryx)
Kudu, Nyala, Sable, Eland tse pele e neng e le di-shaft tsa Freddies le Free State Geduld)	Western Reefs (e e kopantsweng le Vaal Reefs)	Randfontein Estates	Oryx (go ya go Beatrix)
Saaiplaas 2,3	Vaal Reefs (1,3,4,5,6,7)	Doornkop	Driefontein (go akaretsa le East Driefontein, West Driefontein le Driefontein Cons)
Saaiplaas 4,5 (Masimong) (FreeGold 3)	Vaal Reefs 2	Cooke 1, 2 and 3 (Rand Uranium)	Kloof (go akaretsa le Leeudoorn go simolola ka 1 Ferik 1993, Libanon le Venterspos)
Free State Geduld	Vaal Reefs 8 (Great Noligwa)	Cooke 4 (Ezulwini)	St Helena
Free State Cons		Unisel	(karolo ya Beisa)
		Moepo wa Harmony	